

1883

## TUM DANTIBUS QUÆSTUM MERETRICIUM. §

tur, & Tertull. meretrices scite nominat publicarum libidinum vi-  
tæ ; quippe in quibus promiscuè liceat, quibus libeat, explorare  
suas libidines. conf. Conrad. Rittersb. in commentar. ad Salvian.  
lib.7. de gubernat. DEI p. 266. Talis erat Quartilla illa Petro- 10  
niana, quæ Junonis iram sibi imprecabatur, si unquam se memi-  
nisset virginem fuisse : Nam & infans, inquit apud Petron. Ar-  
bitr. in Satyrico pag. m.71. cum paribus inquinata sum, & sub-  
inde prodeuntibus annis majoribus me pueris applicui, donec ad  
hanc ætatem perveni. Inde Aristippus cuidam scorto dicenti, se  
ex ipso gravidam esse, respondit: Non magis eam hoc affirmare  
posse, quam ipse, si per senticetum transivisset, designare posset  
certam spinam, quæ ipsum pupugisset. conf. Bachov. ad S. pen-  
ult. I. de nuptiis. Quotnam autem numero Viris debeat prosti- 11  
tuta esse, ut meretrix salutetur, in Jure nusquam determina-  
tum reperitur : ut adeo mirari liceat, quid Glossatoribus Juris  
Canon. venerit in mentem, cum ad c. vidua 16. dist. 34. adverb.  
multorum. annotare haud veriti fuerunt, meretricem eam esse,  
quæ admiserit plures, quam 23000. hominum, vel quæ 40. abs-  
que tamen mercede, admiserit. Licet enim Meretrix palam se  
prostituat, & palam fieri dicatur, quod coram pluribus sit secun-  
dum d. l. 33. ff. de V. S. numerus tamen plurium non ad eum  
immensum numerum extendendus venit; sed uti ea, quæ coram  
pluribus fiunt, ex facti circumstantiis dijudicanda sunt, Gædd.  
ad d. l. 33. de V. S. in fin. ita quænam pro meretricie habenda  
sit, judicis arbitrio non immerito relinquitur arg. l. 1. §. 2. ff.  
de jure d. liber. qui facile ex numero Amatorum determinatu-  
rus est, num quæ amoris ergo, an vero libidinis explendæ cau-  
sa indiscriminatim se prostituerit. vid. Jac. Menoch. arbitr. ju-  
dic. quæst. libr. 2. cas. 328. Josepb. Mascarb. de probat. volum.  
2. conclus. 1066. Neque tamen vel Abbatis sententia admit- 12  
tenda est, quamvis honestior videatur definitione memoratae  
Glossæ, qui in c. cum decorum X. de vit. & honest. Clericor. in  
fin. & in c. inter opera X. de sponsal. in fin. eam quoque mere-  
tricem esse censem, quæ vel duostantum quæstus causa admisit:

B 5

Vel